



Indgået

20 FEB. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inatsisartunut ilaasortaq
Randi Vestergaard Evaldsen, Demokraatit.

Naalakkersuisut tungaannit aqqissuusseqqinnissanut suliniutissat pilersaarutigineqartut pillugit § 37 naapertorlugu 2017-055-imi apequtit akineqarneri.

14-02-2017
Sags nr. 2017 - 3278
Dok. nr. 4554536

Asasara Randi Vestergaard Evaldsen,

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inatsisartut suleriaasianni § 37 naapertorlugu Naalakkersuisut tungaannit aqqissuusseqqinnissanut suliniutissat pilersaarutigineqartut pillugit apequteqarputit. Apequtigisatit uannit akisassannngortinneqarsimapput. Apequtigineqartut tulleriissaarnerisut akissutigineqartut takuneqarsinnaapput.

1. Naalakkersuisunut nassuiaqquneqarpoq 2017-imi Inatsisartunut iluarsartuussinissat suut saqqummiutilersaarnerlugit.

Isumaqarpunga § 37 naapertorlugu apequteqaammut Naalakkersuisut politikianik aamma aqqissuusseqqinnissanut inatsisillu allannguutissaannut nassuiaateqarluni akissuteqarnissaq inissaminiinngitsoq. Naalakkersuisut aqqissuusseqqinnissanut suliniutaat pilersaarutigineqartut, 2017-imi inatsisartunut saqqummiussassani Inatsisartut ataatsimiinnissaanni Inatsisartuni suliarineqartusarut Naalakkersuisut nalunaarutaanni inatsisissatut aalajangiiffigisassatullu siunnersuutigineqartut takuneqarsinnaassapput.

Inatsisartut ataatsimiinnerani ataatsimoortillugu siunnersuutit suliarineqartusarut nalunaarutigineqartut saniatigut oqaatigisinnaavara, suliniutit aamma susassaqarfii akimorlugit suliniutit ataatsimoortut saniatigut soorlu assersuutigalugu Naalakkersuisut aningaasanut inatsimmut siunnersuutaat aamma aningaasaqarnikkut ingerlatsineq pillugu nalunaarut kiisalu Naalakkersuisut Siulittaasuata Inatsisartut ukiakkut ataatsimiilernerannit ammaalluni oqalugiaataa akuttunngitsumik oqallisigineqartassapput.

2. Naalakkersuisut naatsorsuutiginerlugu partiinik aggersaassallutik iluarsartuussineriteqqarsaatigineqartut isumaqatigiinniutiginissaannut, Inatsisartunut saqqummiinnginnermi? Taamaangippat; Siusinaartumik Inatsisartuni partiinik akulerutsitsinngissaq sunik iluaqutissartaqartut Naalakkersuisut isigaat?

Naalakkersuisut kissaatigaat aallaavigerusullugulu, siunnersuutit Inatsisartunut aalajangiiffigisassatut saqqummiunneqartut, amerlasuunit tapersorsorneqartar-nissaat anguniartariaqartoq. Partiinik taakkualu akornanni isumaqatigiinniarnit akulikinnerusumik pisartut aamma suliassanut ataatsimiititaliap akisussaaffiani suliap suliarineqarnissaanut Inatsisartunit innersuussinerit Inatsisartut sulinerannut ilaapput.

Pisulli ilaanni sammisamut aalajangersimasumut siunnersuummulluunniit at-tuumassuteqartumik politikikkut pissutsit imaassinnaasarput imaluunniit su-liassatigut pisoqarsinnaasarpoq, naliliineq naleqquppat, suliap Inatsisartunut nalunaarutiginnissaa suliarineqarnissaalu sioqqullugu Inatsisartuni partiinik toq-qaannartumik isumaqatigiinniutigineqartarluni.

Inatsisartuni suliassatut Naalakkersuisut siunnersuutaat pillugit Inatsisartuni partiit akornanni isumaqatigiinniarnermik suleriaaseq pioreersoq pillugu Naa-lakkersuisut maannakkut allanngortitsinissamik pilersaaruteqangillat.

3. Naalakkersuisut pilersaarutiginerlugu iluarsartuussinerit sukkanerusu-mik ingerlanniartugit maannakkut nunarsuarmi aalisakkat raajallu aki-gissaarnerat pissutaalluni, aningaasarsiornikkut siuariartortoqarmat?

Qulaani apeqqut 1-mut akissutigita innersuussutigissavara.

**4. Naalakkersuisut iluarsartuussinissat pisussat pillugit allanik nalunaa-
rutissaqarnerlutik?**

Maannakkut naalakkersuisoqatigiit Siumut, Inuit Ataqatigiit aamma Partii Na-leraqq ulloq 27 oktobari 2016-imi naalakkersuisooqatigiinnissamik isumaqa-tigiissuteqarput. Naalakkersuisooqatigiinnissamik isumaqatigiissut Naalakker-suisut sulineranni politikikkut tunngaviuvoq. Tassunga atatillugu Naalakker-suisut sulineranni, matumani ilanngullugit aaqqissusseqqinnissanut suliniutit atuuttut, siunertat itisilernerunissaannut naalakkersuisoqatigiinnissamik isuma-qatigiissut innersuussinnaavara.

Inussiarnersumik inuulluaqqusillunga



Kim Kielsen